



KETE MANARUA

TOI ATAATA 2024


92085 Te whakaatu māramatanga ki ngā huānga toi ataata.

NGĀ WHIWHINGA: 4

92086 Te whakamahi i ngā āhuratanga toi ataata kia puta ai he mahinga toi.

NGĀ WHIWHINGA: 4


Ka tūwhera a 'MyNZQA' ki te tuku i te Kete Manarua hei te 1 o Oketopa 2024.
Ka kati a 'MyNZQA' hei te 30 o Oketopa, 2024



*He aroha whakato,
he aroha puta mai...*

Ngā Ihirangi

He Kupu Whakataki	4
Te Motuhēhē o ngā mahi	4
Te tāpae i te Kete Manarua	5
Te Tūmahi Aromatawai - 92085	7
Te Tūmahi Aromatawai - 92086	9
Kupu Taka	10



Kete Manarua

Ka maka te pakapaka, ka ohu te karoro

Kete - ko te kete i pū mai i te pā harakeke me tōna whakapapa.

Manarua – e rua ōna mana. Tuatahi, ko te mana o ngā taonga ka kohikohia me ngā mahi huhua ka whakatutukihia e te ākonga. Tuarua, ko te mana o te ākonga, ko tōna whānau, hapū, me tōna iwi hoki, ko tōna ake mana motuhake tonu.

Te Motuhēhē o ngā mahi

E taea e ngā Ākonga te ako ngātahi, te mahi ngātahi rānei i ētahi atu tāngata hei kohikohi kōrero i ngā puna tautoko huhua. Heoi, me mātua mōhio nei te pouako, nā ngā Ākonga anō ngā mahi i whakarite, i whakatakoto.

Hei akiaki tonu i te hāponotanga o ā rātou mahi katoa me whakamahi anō ngā Ākonga i ā rātou ake kupu, ka mutu, ka kaha hāpai i ngā tikanga tohutoro e whakamana anō ai te puna o te mātauranga.

Mā te mihi e whakaatu, e whakanui hoki i ngā tāngata me ngā puna awhina i puta ai ā rātou nā mahi. Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;
- Ngā momo puna awhina, puna kōrero rānei:
 - » Kōrero ā-waha: he uiui kaumātua, pakeke, rangatira, mātanga rānei;
 - » Ngā pukapuka i whakaputa;
 - » Ngā pukapuka kāore i whakaputa;
 - » Wāhitau ipurangi.

Te Tāpae i te Kete Manarua

Ko ngā tāpaenga Kete Manarua me mahi mā te pūnaha hou (kei te pae ipurangi matua o MyNZQA): [Tāpaetanga pūnaha hou NZQA](#).

E pai ana te tāpae mai i ngā taunakitanga hei kōnae matihiko, ahakoa kōnae oro, kōnae ataata rānei, hei PDF kē rānei, hei kōtuinga rānei o ngā mea e rua. Me he taunakitanga ā-pepa, me matawai, ka tuku ai hei PDF. Me whakakā anō hoki e te kaiako te Pukauhi Kete Manarua mō ia kōpaki Kete Manarua ka tukua kia aromatawaia.

Mā ngā Ākonga anō ā rātou mahi e tukuatu i te tuatahi. Tēnā, matakihia te ataata, tikiake rānei i ngā tohutohu e whakaatu ana me pēhea te tuku atu i ngā tāpaenga Kete Manarua mā te pūnaha hou - [He puka aratohu](#).

Mēnā kei te hiahia āwhina ngā Ākonga ki te tuku atu i ngā tāpaenga Kete Manarua, tēnā, kōrero ki a rātou, ā, māu anō rātou e awahi, e tautoko.





TOI ATAATA

92085 Te whakaatu māramatanga ki ngā
huānga toi ataata

(Kaupae 1, Whiwhinga 4)

Kairangi	Kaiaka	Paetae
Ka tau te whakaatu māramatanga ki ngā huānga toi ataata.	Ka ariari te whakaatu māramatanga ki ngā huānga toi ataata.	Ka whakaatu māramatanga ki ngā huānga toi ataata.

Tūmahi Aromatawai

Te Whakatakotoranga Aromatawai

Ka kōwhiri koe i tētahi huānga toi ataata. Ka rangahaua e koe ētahi tauira mahinga toi ataata ā ētahi atu ringatoi. Me tautohu koe i te huānga toi ataata kua kōwhiria e koe i roto i ngā tauira toi ataata o ngā ringatoi. Ka waihangatia e koe tētahi kōpaki toi ataata ā-pepa, kōpaki toi ataata ā-matihiko rānei hei whakaatu i tō rangahau me tō mārama ki te huānga toi ataata kua kōwhiria e koe.

Ngā tohutohu

1. Kōwhiria kia **KOTAHI** te huānga toi ataata.
2. Rangahaua kia **RUA** neke atu rānei ngā ringatoi me ā rātou mahinga toi, koinei hei whakatauira i te huānga toi kua kōwhiria e koe.
3. Tautohua te huānga toi kua kōwhiria e koe i roto i ngā tauira mahinga toi ataata. Me whakarite tuhi tīpoka, kōrero ā-waha rānei hei taunaki i ētahi whakaahua, huahua hoki o ngā tauira mahinga toi ataata.
4. Whakaritea he kōpaki mahi toi i ngā kohikohinga mahinga toi ataata kua oti kē i a koe te rangahau.

Ngā huānga toi ataata

Ko ngā āhuatanga tātai o tētahi mahinga toi.

Hei tauira, ko te:

- rārangi
- tae
- kakano
- āhua
- mokowā tōruna/tōraro.

He maha tonu ngā tauira i tua atu i ēnei. Ehara hoki i te mea me mahi te katoa; ko te tikanga ia, kia kōwhiria te/ngā nuka e hāngai ana ki te horopaki.

He whakamārama

Ka whakaatu māramatanga ki ngā huānga toi ataata:

Ka whai, ka whakaputa māramatanga ki ngā huānga toi ataata kia hāngai ki te horopaki.
Ka taea mā te:

- kōrero
- tuhi
- whakaaturanga
- mahi me te whakamahi.

Ka ariari te whakaatu māramatanga ki ngā huānga toi ataata.

Ka whai, ka whakaputa māramatanga ki ngā huānga toi ataata kia whaitake ki te horopaki.

Ka tau te whakaatu māramatanga ki ngā huānga toi ataata.

Ka whai, ka whakaputa māramatanga ki ngā huānga toi ataata kia whai tikanga ki te horopaki.



TOI ATAATA

92086 Te whakamahi i ngā āhuatanga toi ataata
kia puta ai he mahinga toi

(Kaupae 1, Whiwhinga 4)

Kairangi	Kaiaka	Paetae
Ka whakamahi i ngā āhuatanga toi ataata e whai tikanga ana kia puta ai he mahinga toi.	Ka whakamahi i ngā āhuatanga toi ataata e whaitake ana kia puta ai he mahinga toi.	Ka whakamahi i ngā āhuatanga toi ataata kia puta ai he mahinga toi.

Tūmahi Aromatawai

He whakamāramatanga

Ko tāu he whakamahi i ngā āhuratanga toi ataata kia puta ai he mahinga toi.

Kōpaki Toi Ataata: He rātaka ā-ataata

Ngā tohutohu

1. Kōwhiria kia **WHĀ** ngā pepa-matatahi A4, e **RUA** pepa-matatahi A3 rānei, e whakaatu ana i ngā āhuratanga toi ataata pēnei i ngā huānga, tūnga, pūkenga, me ētahi atu mahi whakarite.
2. Ko ngā pepa matatahi ka kōwhiria, me ahu mai i ngā puka mahi toi, i ngā kohikohinga mahinga toi kua oti kē e te ākongā i te roanga o te tau, i roto i te akomanga.
3. Ka whakaputa i tētehi mahinga toi ataata e whakaatu ana i ngā āhuratanga toi kua tautohua e te ākongā.

Ngā āhuratanga toi ataata

Ngā āhuratanga katoa e hāngai ana ki te mahi waihanga toi ataata, arā:

- ngā ariā toi ataata pēnei me te kōrero pūrākau, te whakapapa, te aronga ā-iwi.
- ngā tukanga toi ataata pēnei me te rangahau, te whakarite, te whakamahere.
- ngā huānga toi ataata pēnei me te rārangi, te tae, te kakano.
- ngā pūkenga toi ataata pēnei me te arohaehae, te arotake, te manawanui.
- ngā nuka toi ataata pēnei me te tāruarua, te whakaata, ngā tohu.

Ehara i te mea me mahi te katoa; ko te tikanga ia, kia kōwhiria ngā āhuratanga e hāngai ana ki te horopaki.

He whakamārama

Ka whakamahi i ngā āhuratanga toi ataata kia puta ai he mahinga toi.

- Ka kōwhiri, ka whai i ngā āhuratanga toi ataata e hāngai ana ki te horopaki.

Ka whakamahi i ngā āhuratanga toi ataata e whaitake ana kia puta ai he mahinga toi.

- Ka kōwhiri, ka whai i ngā āhuratanga toi ataata e whaitake ana ki te horopaki.

Ka whakamahi i ngā āhuratanga toi ataata e whai tikanga ana kia puta ai he mahinga toi.

- Ka kōwhiri, ka whai i ngā āhuratanga toi ataata e whai tikanga ana ki te horopaki.

Kupu Taka

Āhuatanga	Aspect, characteristic
Ariā	Concept, theme, idea
Hāngai	Appropriate, connected to
Huānga	Element
Kete Manarua	Digital submission
Kohikohinga	Series
Mahinga toi	Art work
Nuka toi	Māori arts feature
Pūkenga	Skill
Tauira hukihuki	Draft, series of drafts
Tukanga	Process
Whaitake	Relevant, valid
Whai tikanga	Meaningful, purposeful